

Txoj Hau Kev

Tsev Kho Mob Fairview Health Services

Txoj Cai

Txoj Cai Sau Nqi thiab Tsib Nqi Neeg Mob

Lub Hom Phiaj:

Txoj cai no piav qhia txoj Fairview Health Services thiab HealthEast's (tag nrho hu ua "Fairview") cov txheej txheem sau nqi thiab tsib nqi uas yuav raug coj los siv thaum tus neeg mob tsis tuaj yeem them nqi kho mob tau rau Fairview thaum kev nqis tes tsib nqi. Cov ntsiab lus tseem ceeb ntawm txoj cai no yog yuav ua kom muaj txoj kev coj rau txhua tus neeg mob thiab cov neeg ua pov thawj (txij no mus hu ua "neeg mob") kom zoo ib yam, muaj meej mom thiab muaj kev sib hwm txhawm rau ua kom cov txheej txheem sau nqi thiab tsib nqi raug siv mus zoo ib yam thiab txhawm rau ua txhua txoj kev kom txheeb tau tias seb tus neeg mob puas tsim nyog tau txais kev pab raws Txoj Cai Pab Nyiaj Txiag ntawm Fairview (txij no mus hu ua "FAP").

Tsab Cai Cov Lus Hais Tawm:

Tom qab cov neeg mob tau txais kev kho mob, nws yog txoj cai ntawm Fairview uas yuav tau ua daim ntawv sau nqi rau cov neeg mob thiab cov neeg uas yuav them nqi kho mob rau lawv kom raws sijhawm thiab raug raws qhov tseeb. Nyob rau lub sijhawm sau nqi thiab tsib nqi, Fairview cov neeg ua hauj lwm yuav tsum mob siab muab kev kho mob rau cov neeg mob kom zoo thiab soj qab cov av-qhauj uas tsis tau them nqi kho mob kom raws sijhawm. Fairview cov neeg ua hauj lwm kuj yuav tau ceev faj saib seb tus neeg mob twg yog tus uas tau txais kev kho mob pub dawb raws tsab cai FAP thiab pab cov neeg mob lid cov haujlwm ntawd.

Cov lus txhais:

ECAs – Kev Nqis Tes Tsib Nqi: Muaj cov kev ua xws li hauv qab no:

- Muag tus neeg mob cov nuj nqis rau lwm neeg.
- Ceeb toom rau cov chaw saib xyuas kev qiv nyiaj (credit agency) yog muaj kev qiv nyiaj tsis raug qhov tseeb.
- Ncu los yog tsis lees txais muab kev kho mob rau tus mob uas yuav tsum tau kho yog pom tias tus neeg mob muaj tus av-qhauj tsis tau them nqi kho mob yav tag los, los yog yuav tsum hais kom tus neeg mob them cov nqi qub ntawv ua ntej yuav muab kev kho mob tshiab.
- Cov hauj lwm uas yuav tsum tau ua raws kev cai lij choj los sis kev hais plaub; xws li kev tuav khoom muaj nqis cia, txo nyiaj ua hauj lwm, txo los yog tswj tus av-qhauj tso nyiaj, nrhiav kev ncaj ncees raws txoj cai pej xeem (civil action), thiab lwm txoj kev raws li kev cai lij choj.

Tus Mob Uas Yuav Tsum Tau Kho (Medical Necessity)

Tus mob uas yuav tsum tau kho yog ib qho kev kho uas tsim nyog yuav tau kho raws li kev xam pom ntawm Fairview tus kws kho tus mob/tus kws tu tus mob uas muaj ntawv pov thawj thiab raws li tus qauv kho mob uas yuav tsum tau kho:

- Txhawm rau pab tiv thaiv txoj kev pib los yog mob loj tuaj ntawm tus mob, qhov teeb meem los sis kev xiam oob qhab;
- Los mus xyuas kom paub seb yog tus mob dab tsi;
- Txhawm rau muab kev kho tus mob uas tshwm sim rau lub cev, tus cwj pwm thiab/los yog cov kev nyuaj siab mob hlwb kom txhob mob heev dhau, kom zoo mus los yog kom rov zoo tuaj li qhov qub; thiab/los yog
- Los mus pab tus neeg kom nws ua tau los yog ceev tau nws rab peev xwm ua tau tej dej num uas nws niaj hnub ua xam raws li rab peev xwm ua tau dej num ntawm tus neeg ntawv thiab lwm tus neeg uas muaj hnub nyoog ib yam.
- Cov kev kho mob uas yuav tsum tau kho muaj xws li cov kev kho mob uas mus pw hauv tsev kho mob thiab tsis pw raws li tau hais rau hauv tsab cai Title XIX ntawm Kev Ruaj Ntseg Saum Haiv Neeg ntawm Tsoov Fev (Federal Social Security Act), thiab kev kho mob uas mus pw hauv tsev kho mob los sis tsis pw uas tau txais kev pab thiab pom tias yog ib tus mob uas yuav tsum tau kho raws li tsab cai Title XVIII ntawm Federal Social Security Act. Ib qho ntxiv, qhov kev kho mob uas kho nyob hauv tsev kho mob uas yog koom txoos sib koom (partnership) los yog LLC uas lub tsev kho mob yog tus tswv nqes peev (capital)

los yog tau txais txiaj ntsim ntawm cov nyiaj paj (profits interest) kuj yuav muaj feem tau txais kev pab nyiaj. Cov kev pab kho tus mob yuav tsum yog kho mus raws li lub teb chaws cov qauv cag ntawm txoj kev kho mob uas ib txwm ua los uas lees txais tau thaum lub sij hawm muab cov kev kho tus mob. Txhua qhov kev kho mob yuav tsum zoo txaus, mus raws sij hawm, thiab raws li txoj kev kho tsim nyog kom tau raws li lub hom phiaj.

- Cov kev pab kho mob uas yuav tsum tau kho tsis suav cov kev kho uas yog kev sim los yog kev muab los kawm kom paub (experimental) los yog kev ua kom zoo nkauj zoo nraug.
- Lwm yam pov thawj uas qhia pom tias nws yog ib qho kev kho mob uas yuav tsum tau kho muaj xws li:
 - Muaj pov thawj raws txoj kev tshawb nrhiav (scientific evidence) pom tias tus neeg mob uas muaj yam mob no yuav tau txais txiaj ntsim los ntawm qhov kev kho mob;
 - Qhov txiaj ntsim tau txais los ntawm kev kho mob tseem ceeb heev thiab/los yog
 - Muab los xav lawm pom tau tias cov kev kho mob uas raug nqi tsawg dua thiab lwm txoj hau kev yuav mus tsis tau.

Kev Sim Kho Mob

Kev sim kho mob yog cov kev kho mob thiab kev tiv thaiv mob uas feem ntau tsis raug lees txais tias muaj kev nyab xeeb thiab tau txais txiaj ntsim los ntawm cov kws txuj uas paub txog kev tshawb nrhiav tus mob, kev tiv thaiv los yog kev kho tus mob. Thaum txiaj txim tias ib qhov kev tiv thaiv mob yog kev simkho mob, cov kev ua no muaj xws li hais los no tab sis kuj tsis yog tas li no xwb xws li:

- seb qhov kev tiv thaiv mob puas yog muaj raws li ib feem ntawm ib qho kev kawm kom paub nkaus xwb;
- seb cov lus hauv cov ntawv xov xwm puas yog nqua hu kom muaj kev kawm kom paub ntiv mus tom ntej ntawm qhov kev tiv thaiv rau tus mob uas muab los xam rau kev kho; los yog
- seb puas yog yuav muab qhov kev tiv thaiv mob siv rau lwm qhov ntawm lub cev, hauv lwm txoj kev, thiab/los yog rau ib tus mob txawv, uas yog feem ntau raug lees txais los ntawm cov kws txuj uas paub txog ib yam twg [hauv Fairview, Ob Lub Nroog Ntxaib (Twin Cities), Minnesota, teb chaws Meskas, thiab lwm qhov].

Teeb Meem Nyiaj Txiaj

Yog lub sij hawm thaum tus nqi kho mob siab heev rau Fairview lub koom txoos tsis them se (tax-exempt entity) uas yuav los muab kev pab kho mob thiab tus neeg mob xav tau qhov kev kho mob uas lub koom txoos ntawv tsis kho mob tau zoo tib yam rau txhua tus neeg mob yog tias tsis tau txais nyiaj them nqi kho txhua tus neeg mob rov qab thiab muaj nyiaj txaus los muab kev kho mob rau txhua tus.

Yim Neeg

Rau lub hom phiaj ntawm tsab cai no, ib yim neeg yog:

- Ib nkawm niam txiv uas sib yuav lawm thiab cov me nyuam uas tseem tos nkawv pab (dependents), raws li sau cia hauv IRS cov cai.
- Ib tus neeg uas muaj cov me nyuam uas tseem tos nws pab raws li sau cia hauv IRS cov cai.
- Ib tus neeg uas tsis muaj txij nkawm uas tsis muaj cov me nyuam tseem tos nws pab.

Cov cai hais txog kev txom nyem (poverty guidelines) yuav muab siv nyias muaj nyias rau txhua yim neeg uas nyob hauv ib lub tsev yog hais tias lub tsev ntawv muaj ntau tshaj ib yim neeg.

Tus Txheej Txheem (Procedure):

I. *see also*

I. Kev Sau Nqi Neeg Mob:

Nws yog lub hom phiaj ntawm Fairview uas yuav tau sau nqi cov neeg mob muaj kev tuav pom hwm kom raug thiab raws sij hawm. Txawm tias yuav tau tos xov xwm los ntawm cov neeg mob thiab cov neeg them nqi kho mob, Fairview yuav tau muab kev pab soj qab kom zoo txaus kom cov neeg mob tau txais av-khauj thiab cov ntawv sau nqi uas raug raws qhov tseeb thiab muaj sij hawm los them nqi kho mob thiab/los sis thov kev pab kho mob pub dawb. Tus txheej txheem sau nqi yuav tau txais kev pab raws li hauv qab no:

- A. Yog tias cov neeg mob muaj pab kas phais tuav pov hwm, Fairview yuav xa tag nrho cov nqi kho mob mus rau qhov chaw tuav pov hwm ntawv them (raws li qhov qhia los ntawm tus neeg mob) kom raws sij hawm, nrog rau cov cai nram qab no:
 - Kev tuav pov hwm nyob sab nrauv lwm lub nroog- Tus neeg mob yuav tau txais ib daim qauv ntawm daim ntawv sau nqi thiab xa mus rau nws qhov chaw tuav pov hwm. Cov neeg mob yuav tau them nqi

kho mob rau Fairview rau hauv lub sijhawm 90 hnuv. Fairview yuav txiav txim siab saib raws ib tug dhau ib tug los mus ua daim ntawv sau nqi rau cov neeg mob muaj pab kas phais tuav pov hwm tawm dhau teb chaws.

- B. Raws li Fairview thiab HealthEast Daim Ntawv Cog Lus Hais Txog Tus Qauv Cag Tsib Nqi Ntawm Tus Thawj Kws Lij Choj, txhua tus neeg mob nyob rau hauv Minnesota los yog Wisconsin uas tsis muaj pab kas phais tuav pov hwm uas tau txais kev kho mob hauv tsev kho mob yuav tau txais kev txo nqi rau qhov uas tsis muaj pab kas phais tuav pov hwm (uninsured discount). Kev txo nqi rau qhov uas tsis muaj pab kas phais tuav pov hwm yuav txij ib yam li kev txo nqi uas muab rau peb tus uas yuav los them nqi kho mob loj tshaj plaws uas tsis yog tsoom fww thiab cov nqi uas them tsis tau tag yuav raug xa mus rau tus neeg mob raws sijhawm nrog rau daim ntawv sau nqi raws li Fairview cov txheej txheem sau nqi. Txhua tus neeg mob tuaj yeem thov tau daim ntawv qhia txog cov kev kho mob uas lawv tau txais txhua lub sijhawm.
- C. Yog tias tus neeg yuav them nqi kho mob tsis kam lees them vim yog Fairview ua qee yam yuam kev, Fairview yuav tsis ua daim ntawv sau cov nqi kho mob uas sau tshaj ntawv rau tus neeg mob kom them.
- D. Yog tias tus neeg yuav them nqi kho mob tsis lees them vim yog muaj qee yam yuam kev tab sis tsis yog Fairview yog tus ua, Fairview cov neeg ua hauj lwm yuav soj qab nrog tus neeg yuav them nqi kho mob thiab tus neeg mob raws li qhov tsim nyog los daws qhov teeb meem. Yog qhov kev txiav txim siab tsis tau tshwm sim tom qab kev tsim nyog tau txais kev pab ntxiv, Fairview yuav xa tus neeg mob los sis ua lwm yam yeeb yam kom zoo tshaj raws li Fairview cov qauv coj ua.
- E. Txhua tus neeg mob tau txais kev pabcuam yuav muaj sijhawm hu rau Fairview txog kev pabcuam nyiaj xiaj lossis sib tham txog cov nyiaj them poob haujlwm rau lawv cov nyiaj txhua lub sijhawm hauv cov txheej txheem sau nqi.

II. Kev Tsib Nqi Neeg Mob thiab Chaw Tsib Nqi:

- A. Tsawg kawg nkaus 3 tsab ntawv tsib nqi los ntawm cov av-qhauj yus them yus ntiag tug (self-pay accounts) yuav raug xa mus rau qhov chaw nyob zaum kawg ntawm txhua tus neeg mob, tab sis yuav tsis muaj lwm tsab ntawv tsib nqi xa mus ntxiv tom qab tus neeg mob tau ua daim ntawv thov kev pab nyiaj xiaj los ntawm FAP los yog tau them tag nrho lawm. Yam tsawg kawg nkaus thawj tsab ntawv thiab tsab ntawv kawg ntawm 3 tsab ntawv yuav tsum sib nrug li 60 hnuv. Tus neeg mob yuav tsum muab kom raug nws qhov chaw nyob lub sijhawm kho mob los yog tom qab tau tsiv mus lawm. Yog tias tus av-qhauj tsis muaj qhov chaw nyob tseeb, cov neeg ua hauj lwm yuav nrhiav seb puas muaj lwm txoj kev nrhiav tau tus neeg mob. Cov ntaub ntawv ntawm txhua tus av-qhauj uas yus them yus ntiag tug yuav tsum muaj tab sis tsis tag rau cov ntaub ntawv hauv qab no:
 - 1. Cov ntsiab lus hais txog cov kev kho mob uas tus neeg mob tau txais nyob hauv daim ntawv.
 - 2. Daim ntawv ceeb toom qhia cov neeg mob paub txog kev pab nyiaj los ntawm tsev kho mob FAP, xws li tus xov tooj thiab chaw nyob hauv lub website ntawm qhov chaw muab kev pab uas muaj cov qauv ntawv qhia txog txoj kev pab.
- B. Yog tias tus neeg mob twg muaj lus sib tham hais txog nws tus av-qhauj thiab/los yog xav tau cov ntaub ntawv hais txog daim ntawv sau nqi, Fairview yuav xa cov ntaub ntawv mus rau nws rau hauv lub sijhawm 7 hnuv. Yog tias tsis muaj lus teb tom qab 7 hnuv, yuav muaj ib daim ntawv lees paub (acknowledgement letter) raug xa mus rau tus neeg mob nyob rau 7 hnuv thiab tus av-qhauj yuav raug tswj li 30 hnuv ua ntej yuav pib kev tsib nqi mus ntxiv raws li Fairview Txoj Cai Qhia Txog Kev Tsis Txaus Siab (Complaint Grievance Policy). Cov qauv cag lus teb hais los saum toj kuj tuaj yeem siv tau au Fairview cov chaw tsib nqi thiab cov kws lij choj tsib nqi.
- C. Neeg mob cov kev txhawj xeeb yuav raug xa mus rau Feem Uas Hauj Lwm Nrog Neeg Mob (Patient Relations) kom saib xyuas thiab teb rov qab rau neeg mob. Cov av-qhauj yuav tsum raug tswj raws li qhov tsim nyog.
- D. Nyob rau txoj kev ua ntawv sau nqi, ua ntawv xa thiab hu xov tooj mus rau neeg mob, Fairview yuav ua txhua yam kom nrhiav tau cov neeg mob los mus daws cov av-qhauj uas tsis tau them nqi kho mob, nrog rau kev ceev faj txog tias tus neeg mob twg muaj feem yuav tau txais kev pab kho mob pub dawb. Yog tias tseem daws tsis tau cov av-qhauj uas muaj teeb meem, cov nqi uas them tsis tau tas yuav raug xa mus rau qhov chaw tsib nqi los yog kws lij choj kom tsib nqi.

III. Kev Nqis Tes Tsib Nqi Raws Kev Cai Lij Choj thiab Tsib Nqi Tshwj Xeeb:

- A. Raws li cov ntsiab lus hauv tsab cai no, Fairview yuav siv kev cai lij choj los mus tsib nqi rau cov av-qhauj thiab ua raws kev cai lij choj, xws li tsib nqi tshwj xeeb (ECAs), kom tau txais cov nqi kho mob rov qab.
- B. Tsib Nqi Tshwj Xeeb yuav pib ua raws li hauv qab no:
 - 1. Tsawg kawg nkaus 120 hnuv yuav tau muab rau tus neeg mob tom qab tau txais thawj daim ntawv sau nqi ua ntej yuav nqis tes tsib nqi tshwj xeeb thiab Fairview yuav tsum muab yam tsawg kawg nkaus 240

- hnuv rau tus neeg mob tau ua ntawv thov kev pab kho mob pub dawb raws tsab cai FAP txij li hnuv tau ua tsab ntawv tsib nqi.
2. Yog tias tus neeg mob tau thov rau kev pab dawb hauv FAP ua ntej pib sau nqi raws cai lij choj, Fairview yuav txiav txim siab txog qhov muaj cai ntawm tus neeg mob ua ntej ECAs yuav pib nqis tes ua. Yog tias tus neeg mob twb tau txais kev txiav txim siab hais tias tau txais kev pab kho mob pub dawb los tau rau lub hli lawm, qhov kev txiav txim siab no yuav raug muab los siv tshwj tsis yog muaj qee yam pauv hloov tshiab rau tus neeg mob lawm.
 3. Ua ntej yuav siv kev cai lij choj rau tus av-qhauj, Fairview yuav saib xyuas txhua kem ntawm feem kev kho mob pub dawb seb puas muaj tus av-qhauj twg raug zam tsis siv kev cai lij choj rau. Yog tus av-qhauj twg raug siv kev cai lij choj, Fairview yuav tsum sau ntawv ceeb toom rau tus neeg mob paub tias yuav npaj siab siv ECAs. Tsab ntawv no yuav tsum sau ua cov lus qhia txog FAP uas tau taub yooj yim thiab yuav tsum xa mus tsawg kawg nkaus 30 hnuv ua ntej ECAs yuav pib. Lub sij hawm 30 hnuv no, Fairview yuav tsum siv txhua txoj kev los mus qhia rau tus neeg mob paub tias yuav npaj siv ECAs lawm thiab yuav tau qhia lawm paub txog Fairview Txoj Cai Pab Nyiaj Txiag. Ib qho piv txwv qhov kev ua no yog kev hu xov tooj thiab xa suab lus (voicemail) mus rau tus neeg mob.
 4. Tom qab sib kev cai lij choj lawm, tus kws lij choj yuav muaj txoj cai ua ECA xws li ua ntaub ntawv hais plaub, siv kev txo nyiaj hli los yog txo av-qhauj tso nyiaj, thiab siv lwm txoj kev tsib nyiaj raws kev cai lij choj, tshwj tsis yog muaj kev pom zoo rau tus neeg mob tau txais kev pab nyiaj txiag ua ntej lawm. Cov kev ua ub no yuav tsum tshwm sim raws li cov cai ntawm Fairview thiab HealthEast Tus Kws Lij Choj General Assessment Agreements raws li tau hais tseg hauv cov lus cog tseg ntawm ob tog.
 5. Yog tias tus neeg mob tau siv daim ntawv thov kev pab dawb thaum lub sijhawm ECAs tshuaj xyuas, Fairview yuav siv qhov zoo tshaj plaws los tuav ECAs thaum ua daim ntawv thov thiab txiav txim kawg.

IV. Feem Muab Kev Pab:

Nyob rau lub sij hawm sau nqi thiab tsib nqi, Fairview thiab nws cov neeg sawv cev yuav muab kev pab kom zoo rau cov neeg mob raws cov cai hauv qab no:

- Fairview thiab nws cov neeg sawv cev yuav tsis zam txim rau cov kev quab yuam, thab plaub, kev ua phem, kev dag ntxias los sis lus dag ntxias los yog kev ua tsis yog ntawm nws cov neeg ua hauj lwm.
- Fairview thiab nws cov neeg sawv cev yuav nug cov nqe lus nug rau tus neeg thiab/los sib tham txog teeb meem xws li muaj tus xov tooj hu dawb rau neeg mob hu thiab chaw nyob ntawm lub chaw ua hauj lwm uas lawm tuaj yeem xa ntawv mus rau. Cov ntaub ntawv no yuav muaj nyob ntawm txhua tus neeg mob cov ntawv sau nqi thiab tsib nqi uas Fairview xa rau.
- Tom qab tau txais cov lus nug ntawm tus neeg mob lawm (hauv xov tooj los yog sau ntawv), Fairview thiab nws cov neeg ua hauj lwm yuav hu xov tooj rov qab rau cov neeg mob sai li sai tau (tab sis tsis pub tshaj ib hnuv ua hauj lwm tom qab tau txais neeg mob tsab xov tooj) thiab yuav teb ua ntawv xa rau neeg mob tsis pub dhau 7 hnuv. Yog tias tsab ntawv ntawm tus neeg mob hais txog kev tsis txaus siab rau teeb meem dab tsi, Fairview thiab nws cov neeg sawv cev yuav ua raws li tus txheej txheem hais txog kev tsis txaus siab.
- Fairview thiab nws cov neeg sawv cev yuav saib xyuas cov lus tsis txaus siab ntawm tus neeg mob cia (kaw ua suab los sis sau rau hauv ntawv).

V. Cov Cai Muaj Nyob:

- Fairview Tsab Cai Hais Txog Kev Sau Nqi thiab Tsib Nqi, Tsab Cai Kev Pab Nyiaj thiab Daim Ntawv Thov Kev Pab Kho Mob Pub Dawb cov ntawv hluav taws xob (electronic copies) tuaj yeem nrhiav tau ntawm peb lub vev-xaij: www.fairview.org/billing.
- Koj tuaj yeem nug tau peb Lub Chaw Ua Hauj Lwm ntawm 612-672-6724 los sis hu tus xov tooj hu dawb ntawm 1-888-702-4073 thiab thov kom xa cov ntawv luam ntawm cov cai rau koj los sis sib tham txog Daim Ntawv Thov Kev Pab Kho Mob Pub Dawb thiab kev saib xyuas qhov muaj cai tau txais kev pab raws li qhov tsim nyog.
- Cov ntawv luam ntawm peb cov cai thiab daim ntawv thov Kev Pab Kho Mob Pub Dawb muaj nyob rau ntawm peb qhov chaw ua hauj lwm sau nqi ntawm txoj kev 400 Stinson Boulevard NE, Minneapolis, MN 55413-2614, thiab txhua lub tsev kho mob.

HealthEast Cov Cai Muaj Nyob:

- HealthEast Cov Cai Sau Nqi thiab Tsib Nqi, HealthEast Txoj Cai Pab Nyiaj Txiag thiab Daim Ntawv Thov Kev Pab Kho Mob Pub Dawb cov ntawv hluav taws xob (electronic copies) muaj nyob rau hauv peb lub website: www.healtheast.org

- Koj tuaj yeem nug tau peb Lub Chaw Ua Hauj Lwm ntawm 651-232-1100 los sis hu tus xov tooj hu dawb ntawm 1-866-770-6411 thiab thov kom peb xa cov ntawv luam ntawm cov cai rau koj los sis sib tham txog daim ntawv thov Kev Pab Kho Mob Pub Dawb thiab kev tsim nyog.
- Daim ntawv luam ntawm peb cov cai thiab daim ntawv thov Kev Pab Kho Mob Pub Dawb tuaj yeem thov tau nyob hauv txhua lub tsev kho mob.

Chaw Kho Mob Fairview Range Medical Center Tsab Cai Muaj Nyob:

- Fairview Tsab Cai Hais Txog Kev Sau Nqi thiab Tsib Nqi, Tsab Cai Kev Pab Nyiaj thiab Daim Ntawv Thov Kev Pab Kho Mob Pub Dawb cov ntawv hluav taws xob (electronic copies) tuaj yeem nrhiav tau ntawm peb lub website: www.range.fairview.org/QuickLinks/fap.aspx.
- Koj tuaj yeem tiv tauj peb lub Chaw Ua Haujlwm ntawm Chaw Ua Haujlwm ntawm 218-362-6624 lossis tus xov tooj hu dawb ntawm 1-877-390-6624 thiab thov cov ntawv luam ntawm cov cai yuav xa tuaj rau koj lossis tham txog Daim Ntawv Thov Kev Pab thiab kev tsim nyog.
- Cov ntawv luam ntawm peb cov cai thiab daim ntawv thov Kev Pabcuam Tsab Cai yuav thov tau ntawm peb qhov chaw ua haujlwm them nqi ntawm 750 E 34th Street, Hibbing, MN 55746.

Cov Chaw Kho Mob Tau Txais Txoj Cai Muaj Xws Li Tab Sis Tsis Tag Rau Cov Hauv Qab No:

Chaw Kho Mob Fairview Lakes Medical Center tau pom zoo txais txoj cai no.
 Chaw Kho Mob Fairview Northland Medical Center tau pom zoo txais txoj cai no.
 Tsev Kho Mob Fairview Ridges Hospital tau pom zoo txais txoj cai no.
 Tsev Kho Mob Fairview Southdale Hospital tau pom zoo txais txoj cai no.
 Chaw Kho Mob ntawm Tsev Kawm Qib Siab nroog Mennesota (University of Minnesota Medical Center), Fairview tau pom zoo txais txoj cai no.
 Tsev Kho Mob Fairview Range Medical Center tau pom zoo txais txoj cai no.
 Tsev Kho Mob HealthEast St. John's Hospital tau pom zoo txais txoj cai no.
 Tsev Kho Mob HealthEast St. Joseph's Hospital tau pom zoo txais txoj cai no.
 Tsev Kho Mob HealthEast Woodwinds Hospital tau pom zoo txais txoj cai no.
 Tsev Kho Mob HealthEast Bethesda Hospital tau pom zoo txais txoj cai no.
 HealthEast Cov Chaw Kho Mob (HealthEast Clinics) thiab lwm cov koom txoos uas tsis tau them se tau pom zoo txais txoj cai no.
 Fairview pab pawg kho mob (Fairview Medical Group) tau pom zoo txais txoj cai no.

Tus Tswv Txoj Cai:

Tus Thawj Coj Txoj Hau Kev (System Director), Kev Cog Nyiaj

Pom zoo los ntawm:

Fairview Pawg Thawj Coj Qhia

Hnub tim:

Hnub Siv Tau: 4/1/05

Hnub Rov Kho Dua Tshiab: 4/03/12, 6/27/13, 3/5/14, 3/1/15, 2/1/16, 7/24/17

Hnub Muab Rov Los Xyuas Dua: Fairview Pawg Thawj Coj Tau Rov Muab Coj Los Saib Dua thiab Pom Zoo: 5/7/15, 6/17/16, 8/17/17

Hnub Rov Muab Los Kho Dua Tshiab: 4/24/14, 5/7/15, 6/17/16, 11/1/17

[Related Guidelines](#)

[Related Information](#)